

Oqaluuserisassanut nassuiaat.

(Inatsisartut Siulittaasuut)

Immikkoortut 20 aamma 21 aappassaaneernejarneranni isumaqatigiinniarneq unitsinneqarallarpoq siunnersuutillu Inuussutissarsiornermut Ataatsimiititaliami suliareqqitassanngortinneqartinneqarlutik.

Immikkoortut pineqartut tassaapput:

Imm. 20: Naalakkersuisut suliffissaaleqinerup ataavartumik akiorneqarnissaanik siunertaqartumik ataatsimoorussamik pilersaarummik piaartumik suliarinninnissamik peqquneqarnissaanik Inatsisartut aalajangiiffigisassaattut siunnersuut. Pilersaarummi Sanaartugassanut Iluarsagassanullu Aningaasaateqarfimmi aningaasat uninngaannartut inuiaqatigiit akornanni sulisinneqalernissaanik, nunaqarfinni aalisakkerivinnik sullissinissamut isumaqatigiissutinut aningaasaliissutit amerlineqarnissaanik kiisalu illersorneqarsinnaasumik aalisagartassat amerlineqarnissaanik imaqassaaq. Pilersaarut Inatsisartut ataatsimiinneranni maanna ingerlasumi saqqummiunneqassaaq, aamma

Imm. 21: Nunatsinni annertuumik suliffissaaleqinerup piaartumik ataavartumillu annikillisinneqarnissaa siunertaralugu Naalakkersuisut ataatsimoortumik periusissamik Inatsisartunut saqqummiussaqaqarnissaanik Inatsisartut aalajangiiffigisassaattut siunnersuut.

Aappassaaneerinninnerup ulloq 5. juni ingerlanneqarnissaa siunnersuutigineqarpoq.

Ilaasortat uku akunnerminni taasisarnerit pillugit isumaqatigiissuteqarput:

Kuupik V. Kleist, Inuit Ataqtigiit aamma Aleqa Hammond, Siumut

Sara Olsvig, Inuit Ataqtigiit aamma Doris Jakobsen, Siumut

Hans Aronsen, Inuit Ataqtigiit aamma Evelyn Frederiksen, Siumut